

洞石峇尺鑽高下冊

王後卿



830596

峯
抱
樓
雜
文



峯抱樓雜文目錄

道福堂詩序

枯木禪琴譜序

思誠堂集跋

王毓仙長拋玉軫圖跋

冬木老人壽藏記

東漚公所記

書暴巡檢山民送米事

雷甘溪先生傳

目錄

贈朝議大夫 欽旌孝子山東甯海州吏目兼護州事吳

縣蕉園雷公家傳

公傳

公傳

公傳

公傳

枯木禪琴譜序

道福堂詩序

峯抱樓雜文目錄



峯抱樓雜文其賦詩之新異論議之醇善

吳縣沈鏗子堅

道福堂詩序

吾吳之老於詩而別裁僞體提倡後進者沈文愨爲先河袁隨園專主性靈警其繩尺顧寄文愨詩有云海內風騷有正聲則仍不能不用相推服也嘉道閒吳中前後七子主持壇坫不特於文愨頗能拓文愨之堂宇而恢之以是知詩尙正宗而學與才必有餘於詩之外斯其於詩也不求工而自工彼沾沾於詩孰一編以句摹字仿不幾如借面吊喪之徒有其表哉甘溪

雜文

一

雷先生邃於經精於小學受業同郡江氏以溯憲氏之傳又與顧千里陳碩父宋于庭諸老輩相切劘乾嘉一脈賴以不墜而輿會所至時發吟弄復與同里陳梁叔葉調生貝子木劉辰孫輩往來酬答而益昌其詩少壯徧游齊魯中值亂離憂時感事晚居里閭閒作近游嘗於月夜渡太湖登石公山來鶴亭豪情高致可想見焉雖不僅以詩名而生平梗槩略具於詩所著說文外編諸種久已不脛而走既卒之二年令孫子窗茂才刊是集成以眎鏗受而讀之固粹然一出於正而又非句摹字仿沾沾於詩者也其根柢之深厚詞氣之洒落覺乾嘉以來諸詩人

之波瀾意度與夫鄉先輩之餘韻流風宛乎於詩遇之平日嘗
詔茂才曰吾文不如湖北張濂亭詩不如里中陳梁叔其勿傳
布嗚呼此特先生之虛懷耳以鏗觀之先生之欲然不足者正
其充然有餘者也卷首論詩曰其故不在詩其詩與道合殆先
生自謂矣晚學薄植如鏗者又烏能窺涯涘乎哉



雜文

枯木禪琴譜序

代沈仲復中丞

余營耦園於蘇之婁門地偏甚女牆鬱鬱與園中木石相映帶
休息於此意謂焚香默坐消遣世慮莫琴宜顧十指如薑弗習
也雲閒爲余方外交居虎邱距余園且十數里意其足音必稀
而雲閒迎旭東走小奚抱琴輒來來則簾閣據几爲鼓一再行
天風海濤使我心尤遠也雲閒既精琴兼工畫脩然出塵非猷
夫尋常之學空門者是譜之刊足見一斑矣獨是余以衰年忝
膺疆寄欲遂初服不可得追憶曩日聽雲閒鼓琴時渺若河漢
懷雲閒又輒懷耦園不置也甲午春三月

雜文

三

思誠堂集跋

右張己山先生文六卷詩二卷暴貳尹方子屬外舅秦樵之先生編輯而鏗加參校者也 國朝乾嘉時姚氏惜抱承望溪海峯之緒以古文爲世準的壇坵東南而大雲蒼柯亦各樹一幟先生雖同時而集中未一及自云從侯魏入其於桐城陽湖之轍不必盡合而經經緯史窮極事理其行文尚議論妥貼排覈昌黎所謂氣盛則言之短長聲之高下皆宜者也詩上者規李杜次亦近有明前後七子茲謹就外舅所編者略加甄擇文粹十之八九詩粹十之四五尙有駢文一卷贈言一卷統俟續刻

雜文

四

其他三禮典要考古源流及所纂科舉書數種均佚不復存先生少游湖湘間所交多魁人傑士屢應省試不售賣志以終遺稿輾轉散失鏗等雖同里間未之見也乃數十年之若存若亡者貳尹能一旦得之而傳之時耶數耶謂非先生之幸耶時貳尹方鉅錡於世有戒以勿爲此不急者應之曰吾官可罷此事不可罷也則貳尹之意趣可知已光緒丁亥夏五月同里後學

沈鏗斟駮謹記

王毓仙長拋玉軫圖跋

大氏天上蟾輝體值圓時而缺人間鴛侶情多一往而深如王
子毓仙長拋玉軫圖是已毓仙配鄒氏字素儀瓊質内含瑤儀
外映比椒花之成頌仿柳絮以裁詩本來玉女前身生長金娥
香土毓仙禽栖共命繭織同功二等金釭夜吟偶影一牀牙瑄
晨寫雙聲神仙眷屬不是過也無何花簪素柰雲暗華鬢鬢未
凋於安仁神已傷於奉倩虛帷觸緒長簾愴裏既悲在御甘秦
朝飛是圖所由寓意也烏虜湘水一江長流嗚咽蓬山萬里空
寄邈綿雖靡塵蓮寸無閒重泉而海碧天青如此良夜情鍾吾

雜文

五

華輒喚奈何矣廣徵題詠勝營奠齋僕本恨人昔嘗悼逝振觸
前塵歎歎擱筆所願好夢圓成不礙鸞膠之重續情禪懺盡漫
聽雁唳以相思

冬木老人壽藏記

昔漢趙岐爲壽藏圖僑札晏嬰叔向四像於賓位而已爲之主
唐姚勗作壽藏於萬安山署兆曰寂居墳曰復真中剏土爲牀
曰化臺刻石以告後世古人風流可想見也外舅冬木老人今
年六十有九將自浙歸營生壙授意於子壻沈鏗命記之於是
鏗拜手稽首而記其概謹按老人秦姓名敏樹字散之一字稚
枚晚號冬木老人宋淮海先生三十世孫世居吳縣洞庭銷夏
灣自曾大父以來賢遷游楚父某官候選布政司經歷母蔡安
人兄某老人其仲也少耽吟詠不事舉業家本素封比長乃中

雜文

六

落從師習幕事爲負米計遊婁東茂苑者數年饜奇嗜古交吳
下諸名流咸豐庚申髮逆陷蘇城東南鼎沸避亂蟄居與蔡聽
香陸袖海鳳振公輩結涵虛吟社於飛仙山麓蒿目時艱歌以
當哭甲子五月隨大軍克復湖郡敘功以縣尉需次浙江道嚮
李和許雪門太守菊詩見賞招入記室時難旣平暇輒跌宕湖
山嘲弄風月唱酬之樂永夕永朝歷二十年不更府主光緒癸
未攝天目巡檢是山爲浙西屏蔽飛泉怪石霞葩烟噴坐臥與
俱夙師椒畦六法磅礴荒屨畫學大進彈琴賦詩無異東野之
在溧陽也戊子監漕潞河敘加六品銜檄辦臬署清訟簿書餘

聞仍以詩畫自娛泊今又十閱寒暑矣妻氏鄭例封安人同山
舟里人仰事俯育慈祥宅心與老人齊年咸豐丙辰秋老人病
危安人刲臂肉羹以進疾果愈子二長文光殤次恩蔚娶同山
馬邨戚氏女四長適沈鏗次適徐澧三適徐日生四適鄭傑孫
男二芳埴芳珊孫女一生平以詩名爲王孟爲韋柳爲中晚唐
人間又爲蘇陸六十以前詩曾刊四卷問世馮林一俞曲園兩
先生序之其處已接物溫然而春不屑突梯脂韋亦不矯激絕
俗緣督爲經能窺見老莊旨趣一官匏繫作崔斯立哦松狀意
豁如也最善養生陶陶然凝和葆神拔清塵而棲顯氣六十後

雜文

七

□一齒重生拇甲之久蝕者復以完小春三五值古稀覽揆之
辰眉梨臺船承錫難老竊嘗思歸眞者百年所不免而壽考者
五福所先稱壽藏之作並行不悖特有如白香山海上仙龕虛
左無時至耳鏗不文卽以斯記爲祝嘏詞變例博老人掀髯酌
一觴也

東漚公所記

天下事一涉於私往往相傾相軋己損人而機械百出焉卽非放利相讐而交易參差事不一律則亦無以昭信爭名於朝爭利於市事異而情勢同也公所之設非一人之私地則其言非一人之私言其心非一人之私心俾同業不起猜嫌而善相輔過相規意甚厚事甚便也夫子貢先貧後富陶朱三致千金此其人皆有深沈之識觀變之才又事經公議觀若畫一如有翻雲覆雨中道寒盟與夫詐僞相高若沈猶氏之朝飲其羊者眾致罰焉記曰雖負販必有尊不其然乎友人之貿易於麻者

雜文

八

議建公所而未果也今夏竭力捐貲購得閭門外隙地一區蠲蕺刺翳鳩工庀材而事以集計爲屋三落中祀關聖堂室有序庖漏有所經始於某年月日落成於某月日取東門詩義名之曰東漚公所於以辦公舉杼公論同道相謀集思廣益庶免於自私自利而不顧其後乎是爲記同治十三年歲在甲戌冬十月

月

公所記

公所記

公所記

書暴巡檢山民送米事

暴式昭之官西山巡檢也暇輒手一卷伊唔於簿書叢中或短衣草履陟降原巘憩息阡陌間問民疾苦搜訪前人遺跡爲葺祠樹碣復刊鄉先哲張己山集優禮文士如恐不及山之人目爲癡旣而曰好官也居數年遇催租蠲賑事一意庇民雖獲重咎不惜民益曰好官也去年十一月以事奉檄受代遂貧甚一日不能舉火君且忍朝飢讀書如故忽門外有人贈石米慰藉甚至叩之則十餘里外陳巷邨素不相識之張洽泉也嗣是而以米數斛柴數捆相餉者亡慮數十邨聚肩挑船載合還奔走

雜文

九

其爲物薪米以外豕魚酒肴蔬果粉養雞卵無不有也其爲人農夫婦豎樵牧漁翁趾相錯也自十二月十三日至正月終計米百二十石有奇他物稱是君賴以度歲且償夙逋嗟乎吾山昔年以妖人剪楮事不鳴官而毆斃七僧事在疑似聞大府怒其頑號難治今君雖斷炊未嘗告人非有要結之術號召之權而感動邨愚捷於桴鼓以是欺懿好在人心廉吏不可爲而可爲也夫巡檢從九品耳君前司平望荷記名軍機今所爲又如平居刺取史事成帙欲爲廿四史識小錄學養醴粹熟於古循良相啟發然則君固不癡而所以爲好官者其亦讀書稽古

之力也夫於其還滑爲誌是圖緣起以爲別

雜文

十

夫於其還滑爲誌是圖緣起以爲別

雷甘溪先生傳

雷先生諱浚字深之號甘溪一號甘杞江蘇吳縣人先世籍豫章宦於吳遂家焉曾祖大升精岐黃祖桂廣西蒼梧縣知縣考燮琛以孝旌山東濮州吏目先生奉母居蘇城濮州君卒於官時髮捻遍行省山左道梗剽掠四起無敢偕往治喪者先生哀號冒鋒鏑行至則奴子已席卷濮州君裝遁乃大寤先是以省覲歲至山左嘗入學使者幕稔其山川道里又以濮州君久宦遺愛卒得醮貲從間道扶匱歸自少通小學善篆籀書工詩古文詞道光己亥入縣學爲諸生曾助林文忠繪圖勘荒文忠寓

雜文

七

書慰勞沔未一往見焉先後八赴省試五薦不售同治己巳以食餼年滿貢成均至是遂一意著書自娛無進取志矣病經典傳寫重性馳謬學者少見多怪反以鄒書字爲疑乃以經典所不載者於說文求其本字於他書求其通字成說文外編十六卷行世坊間所稱雷說文者也又以說文引經臆理爲三科糾嘉定陳氏之失爲說文引經例辨三卷今本詩韻字實未備而韻腳多舛因先列今韻失收之字次列別韻所有而今韻失收之字爲韻府鉤沈五卷先生之於經小學至精矣少嘗游同郡江明經沅之門明經實世其祖良庭先生之學先生奉手受

教焉近年王祭酒先謙刻南菁叢書搜江氏遺著以先生能傳其學任以校讐嘗佐馮宮允桂芬脩蘇州府志考證人物於舊志多所是正貴族黃方伯彭年於郡城南建精廬曰學古堂遴高才生讀書其中聘先生爲學長先生年旣高巋然魯靈光月吉彙日課卷甲乙之指示確鑿一時撰杖都講諸生如侍申公伏生之側穆然起忠敬也所刊書外有道福堂詩集四卷睡餘偶筆三卷其孫刻之文集若干卷手編後八家文鈔二十卷藏於家未梓又嘗服膺里中顧先生澗贊說文校議辨疑惜武昌局本有脫譌訂正之劉先生辰孫最精音學身後搜得遺著一

雜文

三

卷並埒已所著以行名雷刻四種自咸豐九年厥配錢恭人亡後不娶者數十年旁無姬侍繩行矩步爲鄉里式光緒癸巳十一月以疾卒於新遷乃有廬中子二冲若候選按察使經歷先卒次訥若塲孫二文聰埒學生文耽監生能以品學世其家論曰吳中經學首推惠氏惠氏傳江氏爲先生淵源所自焉又其時金壇段懋堂先生居閭門之枝園顧千里陳碩父宋于庭諸先生皆吳中名宿先生輩行稍後與之游翕然如笙磬之合中經寇亂郡邑中絃誦稍衰近年一二鉅公爲之倡又得如先生者擁皋比而爲之教乾嘉一脈於茲未墜承學之士有厚幸

馬余寓郡城得交先生嘗服其實事求是所不知者義從蓋闕
昔我有先正其言明且清先生之謂矣孰謂師儒之興替無關
運會之盛衰也乎

雜文

吉

會之盛衰也乎

馬余寓郡城得交先生嘗服其實事求是所不知者義從蓋闕
昔我有先正其言明且清先生之謂矣孰謂師儒之興替無關
運會之盛衰也乎

贈朝議大夫 欽旌孝子山東甯海州吏目兼護州事吳

縣蕉園雷公家傳

君雷氏諱燮琛字蕉園先世籍江右江右雷氏本巨族明季有雲軒公者是爲君之始祖以子唐官常熟縣丞就養官舍後居蘇郡遂爲蘇之吳縣人曾祖嗣源內閣中書祖大升考桂廣西蒼梧知縣妣繼妣皆徐氏蒼梧公生四子君其季也自少慷慨多大志不善治生產而喜濟人緩急咸黨有告匱者賙之無吝色家以中落早孤奉母孝母病嘗割臂肉羹以進病果獲瘳道光二年有司聞於 朝 旌如例事諸兄尤謹叔兄夢鵬久析

雜文

四

箸矣以賈折閱君攝捐營辦得三千金俾了所負不責償旣黜童子試遂棄舉業納賞得州吏目君慨然曰官無論大小第盡吾職亦當有利澤及人事其官山東濮州吏目也襤破之官潔身奉公以勤慎爲本待獄囚尤慈日躬給其口糧不假手吏胥夏則潔園圍施方藥冬輒捐廉製楮衣囚一襲囚有捧衣感泣者行之十餘年不少懈任旣久循聲卓著山東有莠氏結會爲亂所謂捻寇者也時方蠢動君乃謀諸州牧嚴緝捕禽其渠數十人立斃杖下餘黨颺去州境以安君又白諸大府請通飭各縣協力禽治解散脅從不則星星之火可燎原也君以下吏

素循謹至是踵厲風發稍露其材能而巡撫某諱言亂意不悅旋調君甯海州吏目甯海官萬山中民風樸儉塗無游女君至則大喜凡所以貳甯一如其貳漢者是時粵寇擾十數行省益以擒匪東境騷然而獨不入甯海君曰未雨綢繆不可緩也請辦保甲爲堅壁清野計州牧許之奉行甚力故終君之任無寇警先是州佐某以憂去州牧兼其任至是州牧卒而軍書旁午道梗代者不至君奉太守檄暫攝一州事握篆三而事以辦代者旋至君家自其先世設藥肆於金閭有聲故不甚貧宦薄且遠而年又高擬告歸矣當道以君久任與事習慰畱之未幾疾作卒於官時咸豐七年八月十一日也春秋六十有七配王氏同邑漁軒王公女子一浚歲貢生同知銜候選訓導加一級君以子官 覃恩贈朝議大夫妻 贈恭人君未嘗以文名而訓導君爲吳中經學大師有子若此可無憾也已孫二冲若候選按察司經歷訥若殤

雜文

五

沈鏗曰君官山東時擒方萌牙耳至同治間乃大熾蹂齊豫竄秦晉擾及畿輔蹤跡飄忽勝則爲寇敗則爲民曾文正提湘軍勦粵寇下長江三千餘里克名城以數十計武烈震燿天地而其征擒也幾如強弩之末未竟厥功今相率肅毅繼之合數省

長圍層節包裹而後殲焉亦大費氣力矣蓋嘗論之向令得如
君者數十輩撫治其州縣以教以養而又以保甲清其源當可
弭亂於將萌又何至勞師糜餉若是其鉅且艱哉世以刳股爲
愚孝不知其肫摯之性果毅之氣一貫於君親間吏治之能於
侍母疾時已裕之矣願君幹局隱然可任大事而抑於卑官汔
不得行其志意以大其設施也是又不能無慨者也

雜文

六

峯抱樓楹帖

光緒癸卯三月
葉於漢皋

昔韓昌黎云。人聲之精者爲言。言之精者爲文。請伸一說。曰。文之精者爲對偶。對偶之精者爲楹帖。何以言之。今夫祝延者連。狝其辭而行。誼始備。誅終者。纍瓦竄句。而平生甫賅。以至蘭臺。佳傳好綴浮藻。騷客贈言。各作短韻。蓋圖寫人物。非單辭可措。雕鏤品彙。必長言而足也。而欲於尺幅之間。立表見影。處逸通顯。如見其人。其惟世所行之楹帖乎。然而葺宇家林。嘉遯也。而堂揆天庭之藻。則乖刺矣。通籍金閨。華選也。而壁張寒瘦之詩。則色叫矣。向鵝冠之士。而藻繪文史。則以虎皮加羊質矣。遇狼臙之賈。而闡揚雅素。則以隼翼傳鷄肌矣。又其甚者。水木清瑟。

序

而徧懸莊語。堂廡崇峻。而未滌調言。至於賣漿之舍。鬻蔥之肆。販脂洒削之家。轉或高文麗藻。紛綸戶閒。道句名言。都雅座右。施非其人。用違其地。凡茲諸弊。良由工書如智永。而不必通儒。家言。飛翰如張顛。而不屑攷學。究語否。或輦金立待。未遑審詳。限鐵將穿。無暇尋討。遂致循覽筆勢。則心折久之。侔揣句語。則齒冷彌甚。同縣沈文子堅。於是有峯抱樓楹帖之作。鍾瘦胡肥之輩。甫逋並峻之流。誠得各置一編。藉資揮翰。庶品流高下。語無傑池。窮達脂泥。辭必切當。非墨客之益友。菽苑之功臣。虞雖然。沈丈撰述等身。尤工爲詩。專彙藏家秘。不行世。而願以此爲

嚆矢特邳詵之片玉安石之碎金耳讀者翫其所見以想其所
未見東面水端當知涯畧矣

光緒甲午孟陬之月吳縣徐盞謹識

序

二

峯抱樓楹帖卷上

吳縣 沈鏗 洞石

金石

鐙成五鳳

鉤銘長壽

洗識雙魚

鐘號祿康

鼎形侈耳

銅字題唇

日月字銘鏡

豆字旂多福

雲雷文鑄蕭

鐘文樂好寶

金石

齊鑄倮兄弟

頭文徵乙聲

邾鐘樂嘉寶

鑿字問辛尊

古劍永保用

文摹乙敦

漢洗大吉昌

字問辛尊

商戈銘八寶

周振鳳棲鐸

漢鼎重千金

商提鳥篆戈

壺文徵大吉

瑞應鳳棲鐸

鉤字祝高遷

威宣虎首彝

鏡文萬有熹

齊鑄倮兄弟

磚字可久長

漢洗宜子孫

鼎文用句眉壽

錢文生貴子

鉤字長宜君宮

鏡字宜高官

秦銅權於久遠

盧豆用旂多福

漢鏹斗宜子孫

甃盤經縷四方

錢文富貴長壽

鏡銘長樂萬世

瓦當仁義自成

甄文日利千金

鼎量九升祠好時

楚鐘雨雷應律

鼓文十碣狩岐陽

唐鏡雪月回文

祖丙父丁載嘉粟

耿氏鐙銘工比

婦庚女乙共馨香

陽侯甌制習言

廿八宿象鑄銅鏡

永建碑圖麟鳳瑞

百萬石倉題瓦當

陽嘉洗鑄鸞魚形

肖氏鏡回龍舞鳳

六馬鏡銘得天力

陽嘉洗左鸞右魚

雙魚洗字宜子孫

錢字祝五男二女

羊鐙銘泐大富貴

鏡銘愛長樂未央

魚洗文傳宜子孫

楚鐘銘飲飲訶舞

一朶芙蓉唐鑄鏡

金石

漢洗字富貴侯王

四圍竹葉漢題碑

卅種賞禾銘名鼎

千馬百意存富有

四阿結屋攷商彝

雙魚洗銘著長宜

晉時書畫飛霜鏡

常鋼萊蕪蕪三壽

宋世擅椎夜雨鐘

小敦饋餽祝萬年

拱井爵徵田祿守

伯余敦為薦新作

立戈鼎記武功成

師且鼎同斬毒銘

雙爵彝明夫婦別

鑄造林華傳五鳳

四神鏡喜子孫宜

洗銘永建鑄雙魚

金石

螭梁盃識成周物

曾伯簠銘天賜福

雁足鐘題永始年

漢神鉤字君高遷

兩漢碑文圍竹葉

黃莢麒麟圖石室

六朝鏡字閒菱花

蒲桃海馬鑄瑤臺

龍鳳錢文摹北斗

兩漢鐸文明吉利

鷹熊盃狀識西周

五行錢幕寫團圓

愛摩孫子長宜鏡

周高流傳銘帛女

閒拓公侯貴壽甄

商厥聯比祝旗孫

師遽敦傳世孫子

太師豆用簠多福

邾公鐘識我嘉賓

邾公鐘樂我嘉賓

銅符今留腹背字

頌鼎可徵三觀禮

弩機古有臂牙師

號盤用表四方維

銘同騶氏青羊鏡

周銘距末金泥燦

圖合龍文白鹿碑

漢鑄鉤文粟點多

元康斗銘字卅有五

瓦字千金宜富當貴

建昭鏡識數一至三

磚格雙壁長生未央

銅範虎符字十有五

鏡排雁足數一至三

金石

四

字學

強分弓六尺

酌飲酒三重

得閒月從門入

尋命人在山游

佩象巾重君子帶

渡看船併大夫步

虛盡妙道中从巫

媵靈先機吉在壺

爨是畫文微起數

理為治玉順成章

瑞義取慶禾赤色

筠文即筍竹青皮

棗李寔之文即帶

山川勞矣字同遼

縹藉雲羅通作藻

鏘鳴風珮本為玲

履烏攷文原是誰

周官巫想爪持也

漢詔男資力在田

已想深含華未發

夕為半見月初升

个介並行稽左氏

哥歌通用見班書

毋串但區橫豎別

聯連畧有古今分

雁鼎曾謀欺以履

駢車周禮借為履

螢異蠲蚡時盛夏

筍通筠尹物長春

人从書徵今古字

字學

五

弁綦倅色段伊騏

壹壹易溯異同文

鳩爾舍琴稽陸氏

衆采之看根在下

鷗之概釜問毛詩

架高巒見鳥成羣

政比蒲盧通螭贏

人事之成三合象

學如蟻子異飛蛾

天心在布四王形

顛木盤庚粵嶽有

薦蘿費鳳碑通檁

褻裘鄉黨結衣殊

解角毛公傳作駢

東爲草木方垂實

榮荷龍光原卽寵

气是山川所出雲

壽歌駘背亦爲台

字學

鶯與櫻通舍谷烏

蝸作瓜半繙魏志

魷爲珙俗孕江魚

鳶爲戴鵲攷班書

隼象真如捕鳥畢

荷筒逃酒猶堪漚

了形可作釣魚鉤

瓠葉窈窕不待顰

才具枝形從地出

疋推立達人相偶

雷爲麥瑞自天胎

習在專精鳥數飛

交錯四周成蠶筆

卓旗象合衆生正

撫彈兩手辨豔文

雜佩蟬聯王貫三

春月因看蠶在簿

卅編並列長兼短

六

夕陽見鳥棲巢

王佩相連一貫三

對峙兩亭城古

厂在高空如結屋

畫分四界井田勻

林分左右亦成林

引屬中春雙戶啟

東居旺木一輪懸

烹飪從新析木炊爨

不鳥戾天坐鳥下地

罔好若一琢玉連

張門開春平門閉秋

儒在能柔相需而進

穿橫者毋穿豎者串

夙為早敬至夕乃完

繩日為壘繩夕為多

字學

七

麗廈闔明八罔取景

稀疏適林二禾有章

集句

六經注我

河潤九里

一字拔人

桂馨一山

垂簾掃幽石

楊師道以下集唐

老樹呈秋色

劉得仁起

深竹映書堂

劉得仁

孤花占晚春

錢起

垂簾掃幽石

錢起

老樹呈秋色

喻鳧

種黍傍煙溪

孤雲生遠山

喻鳧

垂簾掃幽石

遠山媚平楚

獨孤見

落葉滿疏鐘

張祐

孤花占晚春

集句

八

峽深明月夜

張祐

叢篠輕新暑

錢起

萍而釣人家

宋之問

風湍聞夜流

元宗

寒空千嶂淨

錢起

叢篠輕新暑

照水百花然

虞世南

綠槐多晝陰

陳存

開廊架崖广

韓愈

抱琴登絕壑

宋之問

把酒話桑麻

孟浩然

解佩臨清池

戴叔倫

津樹多楓橘

張九齡

抱琴登絕壑

泉壑帶茅茨

錢起

開竈爇寒雲

鄭錫

天花映窗近

褚朝陽

鳥啼新果熟

山色上樓多 張 祐

水果剝蓮芡 韓 愈

清陰庇蕙蘭 鄭士元

空山松子落 韋應物

秋水藕花明 朱慶餘

暗香蘭露滴 武元衡

秋水藕花明 姚 合

促席燈浮酒 于良史

弄花香滿衣 姚 合

寒潮添井味 鄭 巢

虛閣自松聲 宋之問

水禽泛容與 李商隱

孤蝶小徘徊 杜 牧

落日放船好 杜 牧

春風暖著時 世 說

山川相映發 世 說

魚鳥來親人 世 說

開誠心布公道 三國志諸葛傳

霜降夕流清 韋 建

新詩添卷軸 錢 起

多壽長眉毫 李德裕

幽禽嘯新竹 劉禹錫

胡蝶弄和風 錢 起

結茅因古樹 錢 起

翦葉補秋衣 戴叔倫

藏書拄屋脊 孟 郊

落日在簾鉤 杜 甫

垂老抱佛腳 孟 郊

講易見天心 張 說

門闌多喜氣 杜 牧

冰雪淨聰明 林之奇

高松漏疏月 陳 存

綠槐多晝陰 陳 存

慎言語節飲食

慎言語節飲食

慎言語節飲食

慎言語節飲食

接歡喜合殷勤

史記樂書

說禮樂敦詩書

便有濠濮間想

世說

自謂羲皇上人

聊將醕酌酬佳節

杜

以下

才子何須藉科第

姚合

不著心源傍古人

元稹

凡鳥不敢言文章

潤逐來牟鋪綠野

歐陽詹

偶逢游客同傾酒

姚合

力回天地作陽春

王建

閒與仙人掃落花

李白

買來高石雖然貴

李渤

涉書獵史無早暮

薛逢

手種巖花次第開

李渤

洞水山雲知淺深

其中幽境客難到

蕭建

煙葉龍蔥蒼鹿尾

白居易

一月主人笑幾回

崔惠童

儀容清峭雲鶴形

薛逢

窗含遠色通書幌

李賀

西摩月鏡東弄日

皇甫湜

風送春聲入櫺歌

李白

飢食松花渴飲泉

盧綸

窗含遠色通書幌

馬異

抱鋤刷地芸芝朮

馬異

楓落寒塘露酒旗

令狐楚

蠟屐登高爲菊花

令狐楚

柳條無力花枝軟

徐凝

好風好月無人宿

雍陶

蘋葉初齊白芷生

錢起

踏水踏雲攀杳冥

施肩吾

粉牆丹柱動光彩

韓愈

雜花妝林草蓋地

韓愈

野桃紅豔燒春空

莊南傑

高柳垂煙橋帶霜

韓翃

朝回花底恒會客

岑參

閒看竹嶼吟秋月

劉滄

池面魚行不怕人

王建

排比花枝滿杏園

趙嘏

不知明月爲誰好

杜

百花仙釀能留客

王昌齡

獨立蒼茫自詠詩

杜

八月靈槎欲上天

顧況

流水聲中視公事

崔峒

雲生礪戶衣裳潤

白居易

白雲深處有人家

杜牧

風撼早梅城郭香

裴說

晚節漸於詩律細

杜

萬井樓臺疑繡畫

李山甫

踏花同惜少年春

白

十洲風景助新詩

劉禹錫

集句

甫也諸侯老賓客

杜

宗之瀟灑美少年

杜

芳草有情皆礙馬

韓翃

柳搖臺榭東風軟

陶峴

春城無處不飛花

許渾

鷺立蘆花秋水明

杜

溪雲初起日沈閣

趙嘏

晚照入江翻石壁

韓偓

長笛一聲人倚樓

白居易

斷雲含雨入孤村

李洞

水如碧玉山如黛

白居易

千樹桃花萬年藥

李洞

露似珍珠月似弓

白居易

半潭秋水一房山

錢起

洗藥每臨新瀑水

秦系

仙籙滿床閒不厭

錢起

種松皆作老龍鱗王維

昔人已乘黃鶴去崔顥

空林獨與白雲期王維

送罷夕陽迎素月葛天民

遠移山石作泉聲王建

送罷夕陽迎素月王建

看炊紅米煮白魚王建

風光澹蕩百花吐權德輿

稻蘆泥深一犢行陸游

桂觀飛樓凌霧起蘇軾

杏花茅屋向陽居蘇軾

獨權秋江釣明月陳秦

與君清耳聽松湍陳翊

獨權秋江釣明月陳翊

頻來語燕定新巢杜甫

相賞有松石閒意杜甫

自謂是羲皇上人世說

緩步當車晚食當國策

琴心三疊道初成李白

荷衣垂釣且安命錢起

明月隨船送到家郭震

月作主人梅作客楊萬里

花爲四壁船爲家陸游

自是君身有仙骨杜甫

爲我佳處留茅庵蘇軾

遇逢游客同傾酒姚合

次第看花直到秋楊萬里

閒看竹嶼吟秋月劉滄

乞借春陰護海棠陸游

花氣熏人濃似酒黃庭堅

麥光鋪几淨無瑕蘇軾

願君千年萬年壽蘇軾

到處千枝九枝花蘇軾

自謂是羲皇上人世說

緩步當車晚食當國策

太虛爲室明月爲燭唐書張志和傳

內視若盲反聽若聾

筆研為養傭書成學

任昉

幽居少事野性多閒

王勃

坐釣鷗邊行歌犢外

輟耕錄

朗笑明月時眠落花

李白

池鏡冰春庭花雪夏

萬年宮神銘

松風唱響竹露熏空

駱賓王聖泉詩序

雲思浩蕩野情寥廓

賈玉

宏林卓犖峻局深沈

武三思

晚食當月安步當車

石砌披錦山窗點繡

萬年宮碑銘

露荷傾玉風螢散金

太虛無狀大賁無色

自然為祖元氣為根

李商隱

清流若鏡雜花如錦

張九齡

梅炎藻夏麥氣迎秋

枇杷子帖

幽澗冬喧飛泉夏冷

太宗祀北岳文

池簾夕敞岫幌宵褰

宇文德陽宅秋夜山亭宴序

集句

三

茂德淵冲天姿玉裕

文選

繁文綺合縟旨星稠

詩毛傳

作器能銘升高能賦

詩毛傳

導氣以樂宣德以詩

選

竹露熏空松風唱響

唐

芙蓉覆水秋蘭被涯

選

岫綴霞衣巖飛溜帶

唐

魚游清沼鳥萃平林

選

醉於大道飽於文義

選

清露晨流新桐初引

世說賞與晉

雜花生樹羣鶯亂飛

選

左顧孺人右弄稚子

江淹恨賦

秋觀美月春玩垂楊

金樓子孔翁歸語

清泉浮瓜綠水沈李

春初早韭秋末晚菘

江上清風山間明月

春初早韭秋末晚菘

書不盡言言不盡意

參以酒德問以琴心

選

定而后靜靜而后安

性如禾善如米亦在乎熟

明而動晦而休無日以怠

國語

慎為鑿忍為闢欲訥於言

知其雄守其雌為天下谿

老子

見樂廣今日

以下南北史附句不盡現成

撫琴令眾山響

想張緒當年

攜杖從白雲遊

松風飽聽三層閣

翩翩若作飛鳥勢

論書

林宇平分五畝池

駿鬣欲度驂驪前

不通主人直造竹所

策杖尋山負帙沿水

北

既佳光景當得劇棋

坐棠聽訟攀桂摘詞

南

集句

古

策杖尋山負帙沿水

臨池觀魚披林聽鳥

南

移談講樹就簡書筠

移談講樹就簡書筠

北

顏延年為庭話訓兒輩

謝方明處暗室無惰容

書名

文題古驛可之筆

仙風高仰赤松志

錄譜侯鯖聊復翁

法律精研白石詞

友盡耆英南澗稿

詩讀柗欄能肖杜

書傳行秘北堂鈔

文成浮沚早交蘇

清話編成賓退錄

竹澗疏存三代直

高風訂到谷音詩

圭塘詩合一家歡

溪居捫虱編新語

詩取佩觿詳論字

菰苑揮犀廣軼聞

錄成投轄善娛賓

書名

花草粹編詞兩代

漁樵問對深談道

林泉高致畫千秋

河嶽英靈妙選詩

試煎茶水添新記

銷夏詩成庚子記

欲貌梅花譜喜神

感時鑿輟丙丁編

錄成無韻名吹劍

伐檀詩作西江祖

易湖當初有濫觴

知稼文存南宋賢

放言巖下書仍在

創始花間詞別行

仙風高仰赤松志

峯抱樓楹帖卷下

吳縣 沈鏗 洞石

雜綴

卑爲道室

儉開福源

推十合一爲士

終軍識豹文鼠

經天緯地曰文

庾闡賦鸚武螺

南粵梅開有葉

讀書不求甚解

古度果結無花

鼓琴亦足自娛

雜綴

李白花間酌酒

胸吞雲夢八九

樵青竹裏煎茶

指識春秋數千

校書如掃落葉

蝶夢忘適之適

作事能蔽菜根

禽言得過且過

一日不可無竹

百年之計樹人

江左風流今管子

岱界魯齊青未了

斗南人望舊梁公

澤連吳越淼難分

千門雷吼河聲大

之江巴江皆學字

一綫天盤峽勢長

大西小西多藏書

南山柏馥麝留跡

河流千里一曲直

漳海厓深燕結窩

鳳皇羣鳥相朋從

三日以往作霖雨

禾生二月熟八月

萬物之精爲列星

乙來春分去秋分

根藕實蓮花菡萏

魚子蘭清三伏暑

月圭雲錦露珍珠

龍孫竹孕四時春

春鳥秋蟲雙鼓吹

清於芳杜和於柳

竹花雪月四嬋娟

高似寒蟬澹似鷗

雜綴

春於楊柳秋於桂

涼颺暗襲芙蓉底

紅到薔薇綠到蕉

嫩日剛趁葦葢梢

攬雲許放囊歸岫

米家畫舸穿橋月

翫月思攜杖作橋

到氏奇疆幻洞天

童蒙早諷九千字

聿來胥宇燕乃睇

文武兼資卅萬言

以殷仲春桃則華

書法擔夫爭道悟

山水清音亦絲竹

文心天女散花來

風雲變態卽文章

笕泉鄰里能波及

曲水壺觴修禊地

花徑兒曹試笥將

棚車鼓笛太平民

相如賦有凌雲氣

循俗挂禪聊復爾

錢起詩吟捧日心

倦遊彈鋏歸來乎

豈有鴻冥能滑奕

心不滑笙鴻於外

要知象罔可求珠

身請處木雁之間

孫劉市宅情親學

世情變幻婆侯戲

李郭同舟望若仙

詩派分明主客圖

雪屋暖回梅有帳

塵中賞識桐焦爨

山窗涼挂水爲簾

世外逍遙橘隱棋

雜錄

春夏秋冬蘭有訣

奇楠香發貓睛午

露晴風雨竹刊圖

荔子紅繁翠羽啾

電傳八表關軍國

鈞鈐明聖人純孝

石印千書惠士林

當康見天下大穰

景星明賢人在位

斗極明聖人盛德

當康見天下大穰

當康見天下大穰

池草生初通謝夢

詩酒紛來名士鯽

城花飛徧賞韓詩

江湖冷狎舍人鷗

公子烏衣宜款燕

五千卷帙九千字

舍人碧海合封鷗

六一先生三二孃

六經文證熹和石

觀經太學車千輛

三宿情移索靖碑

問字元亭酒一樽

北魏書開多別體

宗測游山百花帶

東京石立定遺經

太白換酒千金裘

香蕪金猊茹卽吐

表聖論詩味外味

酒斟銅鶴滿斯平

昌黎謂孟顛乎顛

細竹扶藤成綽楔

落英自結長生果

小蹊在柙走層樓

采杞欣逢卻老枝

雜綴

圓水珠璣方水玉

妙術青囊餘火劫

青城煙靄赤城霞

良緣紅葉問波流

呈

輪轉湍流自肩水

榻壞寺中前定事

梯升峻嶺亦耕雲

簾垂市上振奇人

棧道凌虛攀劍閣

坦腹疏慵名士達

浴堂客座

間山絕頂築書堂

解衣槃礴畫師高

清風朗月耽聲色

儘許題糕詩破例

食肆

義杖仁巢適起居

不嫌賣餅傳名家

訪古偶逢芳草綠

割愛任攜三徑豔

懷人忽睇遠山青

無私宜作兩家春

花園

碧蘆中有秋聲館

試叩風雷升有路

星

紅樹深藏罨畫溪

漫言茵溷拂無心

澹無言處詩篇少

月照菱花占鏡聽

閨

大有心人感事多

風扶楊柳擺階癩

思誤書亦是一適

眼前便是神農藥

醫

操史筆須具三長

肘後常傳抱朴方

漁艇醉眠荷結屋

佳茗呼小團月出

茶寮

山窗洞闌笏爲城

甘泉唱浪淘沙來

雜綴

五

山劃白雲通蜀棧

堂堂策策魚窺客

花飛紅雨入吳船

踟踟莊莊禾肖人

鏡屏樓閣當三五

九成臺榭參心匠

杳篆梁恩度一重

萬里梯航賴舌臣

洋樓

點蒼石有天然畫

足跡地球九萬里

瓊海柯生自在香

眼光朝局四千年

孟子功不在禹下

六合誰云存不論

尙書事獨載堯來

五洲今欲合爲家

就正新添韓直木

白月下時梅影亞

論交舊愛石虛中

青山缺處湖光來

知了柳陰嘶溽暑

金鴨偃宵帷闕篆

意而花外絮新晴

玉蜍滴水墨生香

承蠲執臂枯同木

漫疑載福輕猶羽

射虱凝心大似輪

暑檢浮生汎若舟

材良籠蓄三年艾

春草鄭堂書有帶

量大樽刳五石瓠

辛夸王塢筆如林

文心劉勰超今古

酒邊人意相存偶

詩品司空妙語言

花裏天心自主張

雜綴

六

衡霍嶽同稽爾疋

虹橋秋串月旁月

江河源並出昆侖

烏磴春尋山外山

九十九泉小有洞

坡公園石盆翻浪

三月三日長安天

杜老山厨筒引泉

湘簾幾疊得浪意

柑瘤屏有磊落趣

歛石三尺猶松身

松身石似歛寄人

腹熨棋局更何事

剛日讀經柔日史

涎流翹車可笑人

飢時喫飯困時眠

古語每如吾意出

溪林深織畫眉鳥

奇文不從人閒來

巖果倒攀通臂猿

窗格冰梅還得月

烹雪便嘗功德水

牆根霜菊慣淩秋

眠雲即是溫柔鄉

池水皺非干甚事

庭留黼黻孔都護

野梅清似畏人知

圃降雲霄丁令威

雄雞一唱明六合

日蒸芳氣花圍座

彩鳳九苞儀萬方

風報春光絮入簾

五三六經學無盡

問字亭邊宜訪友

四十九年非可知

積書巖下欲移家

雜綴

七

漁晉江上收明月

笠澤飄然五湖客

茅屋山中移白雲

圭塘欸乃一家詩

新竹干青雲直上

葛洪煉藥仍爲令

野菌蒸宿雨初生

子晉吹笙便得仙

五斗卓然僊客酒

虞秘監人稱五絕

一聲欸乃野人舟

李翰林日試萬言

笠澤捕魚懷魯望

曉風楊柳耆卿句

洞庭揀橘說香山

初日芙蓉康樂詩

細素至唐分葉子

山中宰相陶宏景

牡丹出洛作花王

海外文章蘇子瞻

樵斧雲深收菜路

風神楊柳張思曼

筠籠風暖薦櫻時

詞賦梅花宋廣平

放懷青箬綠簑外

持身當守禮乎禮

結想黃山白岳閒

恥學定知愚益愚

壯武移家書卅乘

名教之中尋樂地

子京修史燭雙枝

義皇以上置斯人

雌蜺一痕梯碧落

叔子峴山常置酒

涼蟾萬里鏡長空

謝家淝水自圍棋

雜綴

三五二八蟾吐桂

花靨沾衣胡蝶下

南北東西魚戲蓮

天光在水錦鱗游

籀龍放出一頭地

書船洛下歸盧氏

水鷁浮來四面天

團扇吳中畫放翁

詩伯因緣牛渚月

畦留鱉葉參殷篆

才人遭際馬當風

簷挂壺盧想漢書

花如養邃開還斂

燕構棟巢新世宙

月善留餘缺始圓

魚游盆島小江湖

僧繇畫龍辭稷霍

庸等瓠瓜功利涉

元虛賦海景純江

恣如橄欖味回甘

佛子拈花微笑意

山泉小試澄清手

高人飲酒半醺時

野燒新恢克復功

庭栽月季春常駐

未知幾兩穿游屐

廊挂風蘭香倒垂

常願三生諡洞簫

畫逐蘆灰開暈月

庭竹因風霏積雪

氣蒸桐木滃浮雲

海棠畏日稱輕陰

蓬島股浮羅岫合

疊石何來皺瘦透

平泉脈溯惠山通

游山欲造深難奇

雜綴

心畫恒題特健藥

檜桡褪紅添鶉鷓

手痕自笑詭癡符

礪泉新碧注蟾蜍

冷暖玉堪供坐隱

偶爾結成因樹屋

參差簫亦得飛昇

悠然晤對入窗山

池邊客約同邀月

洞壑天然疑良嶽

簾外禽言莫損花

園林神助得蒙泉

唐室芋魁成相業

金管人閒標善行

宋家榴實驗科名

寶書天上吐奇光

手裝玳瑁羲之帖

攝生聊學五禽戲

胸有琅玕與可圖

感遇還爲二鳥吟

四圍樹蔭聽鸚坐

松雪書名高一代

一片風漪放鴨來

月泉吟事動千人

句吐奇光裏驛壁

半篙新漲翻紅雨

文成漚體絳園池

一桁遙山衣白雲

半明半滅魚啖月

渡名桃葉手神豔

一啓一蟄蟲能天

冶號梅根骨格香

一水往來時泛雪

謝景滌芳蘭竟體

三人密邇各居漳

裴叔則玉山照人

雜綴

梅戰花前兒進酒

鮭菜富羅廿七種

手談松下婢窺碁

鶯花豪判百千場

賈侍中坐五十席

張霸鄉稱爲曾子

范書本傳

黃叔度若千頃波

謝尚坐中之顏回

晉書本傳

由基勝人在先中

由基伯玉一作良工賈補

清恐人知訪梅入野

伯玉當國以弗治治

作良工賈補

晚能上蓬載菊盈航

前有召父後有杜母

東觀記

不朽者三懸太上想

武爲將表文爲儒宗

後漢張奐傳註

其能有九具大夫材

劉瓠爲瓢無用有用

平仲君遷林泉材美

配鹽幽菽知和而

長卿簡子巖谷名馨

與公瑾交飲醪自醉

六六峯高六六陂曲

得令君顧坐席猶香

九九夏暑九九冬寒

曲江觀濤滄海觀日

忍貧慾味東坡隼旨

靈巖聽雪惠山聽松

耐寂莫欽南雷法言

世外仙緣洞中篋冊

與母偕隱與妻偕隱

人間異樂壁裏金絲

以目爲耕以舌爲耕

頤卦慎言語節飲食

若網在綱有條不紊

曲禮別同異明是非

如手按禽從容以和

雜綴

十一

言味東平爲善最樂

四海水從阿耨泉出

義取左氏民生在勤

一芥子納須彌山來

燭龍吹爲隆冬呼爲盛夏

江曲雲帆千順逆

粵江

陽烏朝浴湯谷夕浴咸池

日長風綰百炎涼

得句

一千七百支流歸河大受

南北東西神鳥讓鳳中央

好學神仙蓬島風休回棹去

別育天地桃源春許問津來

世非無孫思邈李謫仙之輩

我則慕黃叔度徐稚子其人

橫吹豎吹簫管船歸明月夜

秦淮水榭

卍字亞字闌干人倚夕陽時

襄陽圖騎欵段擊琴書隨走

東臬居養鳧雁蒔藥草自供

神異經

希有鳥翼東覆木公西覆金母

鍾山石目左為陽曜右為夜光

元中記

得楚弓失楚弓一任去留能豁達

是卿辰非卿辰兩忘物我總懽欣

雜綴

十一

合經義史論算術詞賦掌故輿地各派源流登此堂也天下文

章莫大乎是庶幾師若服鄭官若馬班筆若韓歐策若賈重咸

萃其中珠淵媚玉山輝鬱鬱者光華難掩喜壤接漁莊蟹舍碧

澗環周況毗連士衡舊宅野王書堆和甫竹堂良臣橘塢

與學海荷池惜陰辨志正誼南菁共分壇坫主斯席者一時賢

士皆從其遊彼夫馬來貳師員來安息寶來厠賓不

願乎外菜根香布衣暖蠶蠶然窮達可忘縱院鄰鮫市屋樓紅

塵隔斷且領畧滬瀆潮音豫園樹色吳淞帆影廣福鐘聲

擬求志書院楹帖仿雲南大觀樓長聯

喜壽哀輓

鏡臺偶影桃千尺

送汪慕萱

五色絲縫衣延壽

鄭永楫

眉史新圖月二分

揚州完娶

九子墨藏煙長生

禮詩文

秋水鏡鬢長吉句

昌蒲花青月長滿

洞房花燭子山詩

宜男草生蘭笑人

柳絮繁歌椒花入頌

唐文

河上古槎霸城銅狄

壽

合歡蠲忿萱草忘憂

博物志

劍南團扇香山屏風

明鏡鑿形寶釵耀首

合歡蠲忿萱草忘憂

喜壽哀輓

三

舞鳳鑄駟家銘曰東王公西王母

扶鳩稽戴記禮宜七十國八十朝

偉績照長江湖三遷移西粵旌麾久為皖公資掌鑰

挽沈仲復中丞

勝情饒別墅緣重起輟東山絲竹未陪謝傅賭圍棋

元方季方招隱入山中當時風鶴頻驚萍水忽經卅載久

舊雨今雨相攸僑吳下此日人琴遽杳竹林恨失七賢全

輓王曼若親家心臣婿胞伯也

羣從有八人公居行首我居班末今看落落星稀兄逝益增孤

立感

高年開九秩既多福壽又多子孫後此蒸蒸日上家遷猶仰大
宗風 輓堯于從兄

喜壽哀輓

十四

